



Broj: 07 - 803/25  
Datum: 17. 07 . godine

Na osnovu člana 5. Pravilnika o utvrđivanju uslova, kriterija i postupka za ostvarivanje prava na dodjelu plastenika i opreme u Projektu „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicima“ u 2025. godini na području grada Srebrenika („Službeni glasnik Grada Srebrenik broj: 13/25), Gradonačelnik grada Srebrenika, raspisuje:

**JAVNI POZIV**  
**za podnošenje prijava za dodjelu plastenika od 100 m<sup>2</sup>, sa sistemom za navodnjavanje,**  
**dodatnom opremom i sadnim/sjemenskim materijalom**

**I PREDMET JAVNOG POZIVA:**

Predmet ovog Javnog poziva je prikupljanje prijava za dodjelu 20 (dvadeset) plastenika od po 100 m<sup>2</sup> sa sadnim/sjemenskim materijalom, sistemom za navodnjavanje, kristalonima i propratnom opremom.

Dodjelu plastenika iz prethodnog stava, u okviru Projekta “Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicima“ u 2025. godini na području grada Srebrenika, zajednički provode Grad Srebrenik i nevladina organizacija Muslim Aid Association, po principu sufinansiranja, u omjeru, 50% Grad Srebrenik, 40% Muslim Aid Association, a 10% (370,00 KM) je učešće odabranog korisnika, od ukupne cijene plastenika i opreme.

**II PRAVO UČEŠĆA:**

Pravo učešća u ovom Javnom pozivu imaju socijalno ili materijalno ugrožene osobe, i mlade osobe u dobi od 18 do 35 godina, sa područja grada Srebrenika, koje posjeduju vlastito poljoprivredno zemljište ili zemljište u vlasništvu članova uže porodice po pravoj liniji (majka, otac, djed i dr.) ili zemljište koje im je ustupljeno na korištenje ili u zakup na period ne manji od 3 (tri) godine, a koje je u neposrednoj blizini stambenog objekta u kojem stanuju.

Pravo na dodjelu plastenika u ovom Projektu nemaju lica koja su dobila donaciju u mehanizaciji i opremi za poljoprivrednu proizvodnju, od Grada Srebrenika, nadležnih ministarstava, humanitarnih i drugih organizacija u posljednje tri godine.

Pravo na dodjelu plastenika u ovom Projektu nemaju zaposlenici i članovi uže porodice zaposlenika Muslim Aid Association i Grada Srebrenika.

Pravo učešća nemaju lica koja su u proteklom vremenskom periodu nenamjenski koristila dobijena sredstva od Grada Srebrenika i Muslim Aid Association ili zloupotrijebili ista.





### III USLOVI ZA DODJELU PLASTENIKA OD 100 m<sup>2</sup> SA SISTEMOM ZA NAVODNJAVANJE, SADNIM/SJEMENSKIM MATERIJALOM I DODATNOM OPREMOM

#### Podnositelj prijave treba da ispunjava sljedeće uslove:

- da je nezaposlena osoba ili osoba sa minimalnim primanjima ili mlada osoba u dobi od 18 do 35 godina, sa prebivalištem na području grada Srebrenika,
- da je nosilac ili član poljoprivrednog gazdinstva u Registru poljoprivrednih gazdinstava i Registru klijenata u Gradu Srebreniku (RPG i RK), **Napomena:** Podnosioci prijava, ukoliko nisu upisani u RPG i RK, uz prijavu dostavljaju ovjerenu izjavu da će registrovati poljoprivredno gazdinstvo u RPG i RK, u roku od trideset dana od dobijanja pisane obavijesti o dodjeli plastenika.
- da je podnosilac prijave ili član njegove uže porodice vlasnik ili posjednik poljoprivrednog zemljišta pogodnog za plastičnu proizvodnju ili da je poljoprivredno zemljište uzeto na korištenje ili u zakup na period ne manji od 3 (tri) godine i da se zemljište nalazi u neposrednoj blizini stambenog objekta u kojem stanuje,
- da postoji mogućnost adekvatnog navodnjavanja plastenika,
- da u trenutku prijave na ovaj Javni poziv nema više od 100 m<sup>2</sup> plastenika u svom posjedu ili posjedu člana uže porodice (plastenič sa metalnom konstrukcijom i bočnim ventiliranjem),
- da će sufinansirati 10% od nabavne cijene plastenika sa dodatnom opremom, što iznosi 370,00 KM, da obavezno prisustvuje edukaciji iz oblasti plastične proizvodnje koju organizuju Muslim Aid Association i Grad Srebrenik,
- da u posljednje tri godine nije ostvario-la pravo na donaciju u mehanizaciji i opremi za poljoprivrednu proizvodnju, od Grada Srebrenika, nadležnih ministarstava, humanitarnih i drugih organizacija,
- da će dodijeljeni plastenič zadržati u vlasništvu najmanje 3 godine od potpisivanja ugovora.

#### IV POTREBNA DOKUMENTACIJA:

Zainteresovani učesnici, prilažu sljedeću dokumentaciju:

1. Prijavni obrazac, (preuzima se na info pultu Grada Srebrenika),
2. Anketni upitnik sastavljen od strane Muslim Aid Association
3. Potvrda o prebivalištu (CIPS prijava) ili ovjerena kopija lične karte,
4. Ovjerena kućna lista,
5. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje Srebrenik. Za nezaposlene osobe koje nisu prijavljene na Biro za zapošljavanje Srebrenika, prilaže se potvrda da se osobe ne vode u evidenciji osiguranih osoba, izdata od Porezne uprave Srebrenik,
6. Kopija potvrde o upisu u Registar poljoprivrednih gazdinstava i Registar klijenata (RPG i RK) izdata od nadležne gradske službe za poslove poljoprivrede. Prijavljeni kandidati ukoliko nisu upisani u RPG i RK, uz prijavu dostavljaju ovjerenu izjavu da će registrovati poljoprivredno gazdinstvo u RPG i RK, u roku od 30 (trideset) dana od dobijanja pisane obavijesti o dodjeli plastenika.
7. Kopija Rješenja o registraciji poljoprivrednog obrta i potvrda da je obrt aktivan (obrtnici životne dobi od 18-35 godina kojima je poljoprivreda osnovna djelatnost).





8. Potvrde škole/fakulteta za djecu/izdržavane članove domaćinstva, a za djecu predškolskog uzrasta priložiti rodni list,
9. Uvjerenje o visini prihoda ili platna lista za svakog zaposlenog člana domaćinstva sa kućne liste, za penzionere posljednji ček od penzije, a za korisnike stalne socijalne pomoći, prilaže se rješenje Centra za socijalni rad Srebrenik o visini socijalne pomoći,
10. Vlasništvo ili posjed nad parcelom koja se namjerava koristiti za instaliranje plastenika (kopija ZK izvodka ili Posjedovnog lista, ili ugovor o zakupu/korištenju parcele),
11. Dokaz da je samohrani roditelj (smrtni list ili dokaz o razvodu braka ili drugi dokument kojim aplikant može dokazati da je samohrani roditelj),
12. Ovjerena izjava da u trenutku prijave za učešće u javnom pozivu za dodjelu plastenika iz ovog Projekta, nema više od 100 m<sup>2</sup> plastenika u svom posjedu ili posjedu užeg člana domaćinstva,
13. Ovjerena izjava da će korisnik dodijeljenog plastenika isti zadržati u vlasništvu najmanje 3 godine od dana potpisivanja ugovora,
14. Ovjerena izjava da prijavljeni kandidat u posljednje 3 godine nije ostvario pravo na donaciju, dodjelu ili sufinansiranje nabavke plastenika, od Grada Srebrenika, nadležnih ministarstava, humanitarnih i drugih organizacija,
15. Ovjerena izjava da će sufinansirati 10% od nabavne cijene plastenika sa dodatnom opremom, (370,00 KM),
16. Ovjerena izjava da će obavezno prisustvovati edukaciji iz oblasti plasteničke proizvodnje ukoliko ostvari pravo na dodjelu plastenika.
17. Ovjerena izjava da prijavljeni kandidat nije član uže porodice zaposlenika Muslim Aid Association ili zaposlenika Grada Srebrenika

Izjave iz tačke IV, podtačka 6, 12, 13, 14, 15, 16 i 17 podnose se na propisanom, jedinstvenom obrascu „Izjava“, koji se može preuzeti na info pultu Grada Srebrenika.

#### **IV ODABIR KORISNIKA:**

Administrativnu obradu zaprimljenih prijava i odabir korisnika u skladu sa Pravilnikom o utvrđivanju uslova, kriterija i postupka za ostvarivanje prava na dodjelu plastenika i opreme u Projektu „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicima“ u 2025. godini na području grada Srebrenika („Službeni glasnik Grada Srebrenik broj:13/25 ), provest će komisija koja se sastoji od tri člana, od kojih su dva predstavnici Grada Srebrenika, a jedan je predstavnik nevladine organizacije Muslim Aid Association.

Rang lista odabranih korisnika bit će objavljena na oglasnoj ploči Grada Srebrenika i službenoj web stranici Grada Srebrenika [www.srebrenik.ba](http://www.srebrenik.ba).

#### **V PRIJAVA NA JAVNI POZIV:**

Prijave na ovaj Javni poziv, zajedno sa potrebnom dokumentacijom, predaju se u zatvorenoj kovrti, u Pisarnicu Grada Srebrenika ili putem pošte, na adresu:

**GRAD SREBRENİK – Služba za poduzetništvo, lokalni razvoj i investicije**  
**Ul. Ibrahima Salihovića bb, 75350 Srebrenik,**

**Sa naznakom: „Prijava na Javni poziv za dodjelu plastenika od 100 m<sup>2</sup>, sa sistemom za navodnjavanje, dodatnom opremom i sadnim/sjemenskim materijalom**  
**- Ne otvarati – „**





Prijavni obrazac, obrazac upitnika za aplikante i obrazac „Izjava”, mogu se preuzeti na info pultu Grada Srebrenika.

Rok za predaju prijava je 15 dana od dana objave ovog Javnog poziva na službenoj web stranici Grada Srebrenika [www.srebrenik.ba](http://www.srebrenik.ba), te na oglasnoj ploči Grada Srebrenika.

Sve dodatne informacije mogu se dobiti u Službi za poduzetništvo, lokalni razvoj i investicije telefona broj: 035/366 440, svakim radnim danom od 08:00 - 16:00 sati.

Nepotpune i neblagovremene prijave se neće uzeti u razmatranje.



GRADONAČELNIK

Adnan Bjelić

